

# KINGDOM WOK BLONG YUMI

## SEPTEMBA 2013

### WIK WE I STAT LONG 9 SEPTEMBA

Singsing 88 Mo Prea

#### Baebol Stadi Blong Kongregesen:

fjapta 8 ॥8-15 (30 minit)

#### Tiokratik Skul:

**Baebol riding:** 1 Korin 10-16 (10 minit)

**N. 1:** 1 Korin 14:7-25 (no bitim 4 minit)

**N. 2:** ?Kingdom Blong God i Stap Mekem Wanem Naoia? ?Bambae Hem i Mekem Wanem Long Fiuja?—fg pej 15, kwestin 5 (5 minit)

**N. 3:** ?Baebol i Soemaot Olsem Wanem Se Blad i Tabu?—lv pej 74-77 haf 1-9 (5 minit)

#### Miting Blong Kingdom Wok:

Singsing 89

**10 minit: Youths—What Will You Do With Your Life?**—Haf 1. Wan tok we i stanap long traket ya, *Your Life*, (Fransis mo Inglis) haf 1-9. Yu talem gud-fala toktok long ol yangfala we oli stap traehad blong putum wok blong Jehova long fasples long laef blong olgeta.

**10 minit: Tokbaot Olsem Wanem, Yufala i Yusum Buklet Ya Gud Nius.** Tok wetem sam kwestin mo ansa. Yu askem long olgeta we oli lesin blong oli tokbaot olsem wanem oli yusum buklet ya *Gud Nius*, blong statem stadi. Yu askem long tu brata no tu sista blong tufala i kam antap, mo soem-aot olsem wanem blong yusum buklet ya, taem oli gobak blong mekem visit long wan man we i bin tekem magasin.—Lukluk long *Kingdom Wok Blong Yumi* blong Maj 2013 pej 7.

**10 minit: "I Gud Yumi Tingbaot Oi Profet Ya—Amos."** Kwestin mo ansa.

Singsing 96 Mo Prea

### I Gud Yumi Tingbaot Oi Profet Ya—Amos

<sup>1</sup> ?Samtaem yu yu harem se yu no naf blong prij, from we yu no skul gud, mo yu kamaot long wan famle we i no gat haenem? Sipos yes, i gud yu folem eksampol blong profet Amos. Amos, hem i wan man blong lukaot long sipsip mo samtaem long yia, hem i wok long garen. Nating se i olsem, Jehovah i givim paoa long hem, blong hem i talemaot wan mesej we i impoten tumas. (Amos 1:1; 7:14, 15) Tede tu, Je-

1. ?From wanem eksampol blong Amos i save leftem-ap tingting blong yumi?

hova i yusum olgeta we tingting blong olgeta i stap daon, blong oli mekem wok blong hem. (1 Kor. 1:27-29) ?Wanem narafala samting we yumi save lanem long eksampol blong profet Amos, we i save givhan long yumi long wok blong prij?

<sup>2</sup> **Hem i Stanap Strong Taem Oi Man Oli Agensem Hem:** I gat wan pris blong ol ten laen blong kingdom blong Isrel long not, nem blong hem Amajia, hem i harem ol tok we Amos i stap talemaot. Nao hem i talem long Amos se: 'Yu gobak! !Yu lego mifala! !Mifala i gat skul blong mifala finis!' (Amos 7: 12, 13) Amajia i go talemaot ol tok blong Amos long King Jeroboam, be hem i twistim ol tok blong Amos. Nao from samting ya, oli putum tabu long wok we Amos i stap mekem. (Amos 7:7-11) Be Amos i no fraet. Tede tu, sam lida blong skul oli pulum ol man blong politik, blong oli traehad blong stopem wok we ol man blong Jehovah oli stap mekem. Be Jehovah i talem long yumi se, i no gat wan samting blong faet we i save mekem yumi karikil. Bambae hem i blokem gud yumi, i mekem yumi win.—Aes. 54:17.

<sup>3</sup> **Hem i Talemaot Oi Jajmen Mo Oi Blesing Blong God:** Amos i talemaot jajmen blong God agensem ol ten laen blong Isrel. Be long en blong buk we hem i raetem, hem i tokbaot promes blong Jehovah blong mekem olgeta samting oli kam niuwan baken, mo ol blesing we Jehovah bambae i givim long ol man. (Amos 9:13-15) Yumi tu, yumi stap talemaot "bigfala dei ya we God bambae i jajem" ol man long hem. Hemia tu i wan haf blong 'gud nius blong kingdom' we yumi mas talemaot. (2 Pit. 3:7; Mat. 24:14) God bambae i yusum bigfala faet ya Amageddon, blong mekem rod blong paradaes i kamtru long wol. Bambae hem i mekem olsem, taem hem i finisim olgeta rabis man.—Sam 37:34.

<sup>4</sup> Taem yumi stap talemaot gud nius blong Kingdom, ol man oli agensem yumi. Oli wantem luk sipos yumi naf blong holemstrong long Jehovah, mo sipos yumi gat strong tingting blong mekem samting we hem i wantem. (Jon 15:19) Nating se ol man ya oli mekem olsem, yumi sua se Jehovah bambae i gohed blong givhan long yumi, olsem we hem i bin mekem long Amos. Bambae hem i gohed blong givim ol samting we yumi nidim, blong yumi save finisim wok ya we hem i wantem yumi blong mekem.—2 Kor. 3:5.

2. ?From wanem yumi naf blong stanap strong, taem ol man oli agensem yumi?

3. ?Wanem tufala impoten mesej we yumi stap talemaot tede?

4. ?Yumi mas gat wanem tingting, nating se ol man oli agensem yumi?

## WIK WE I STAT LONG 16 SEPTEMBA

Singsing 106 Mo Prea

### ❑ Baebol Stadi Blong Kongregesen:

fy japta 8 ¶16-22, bokis pej 97 (30 minit)

### ❑ Tiokratik Skul:

**Baebol riding:** 2 Korin 1-7 (10 minit)

**N. 1:** 2 Korin 1:15–2:11 (no bitim 4 minit)

**N. 2:** ?Fasin Nogud i Stat Olsem Wanem?  
—fg pej 16 kwestin 1 (5 minit)

**N. 3:** ?From Wanem Ol Witnes Blong Jehova  
Oli No Tekem Blad?—lv pej 77-79 haf 10-12, mo  
bokis long pej 81 (5 minit)

### ❑ Miting Blong Kingdom Wok:

Singsing 41

**10 minit: Youths—What Will You Do With Your Life?**—Haf 2. Wan tok we i stanap long traket ya *Your Life*, (Fransis mo Inglis) haf 10-19. Yu askem kwestin long wan brata no sista we i mekem wok blong fultaem paenia, taem hem i yangfala. ?Wanem i pulum hem blong mekem wok ya? ?Wanem ol blesing we hem i kasem, taem hem i mekem wok blong paenia?

**10 minit: Taem Yu Stap Prij Yu Wan Oltaem.** Tok wetem sam kwestin mo ansa. (1) ?Taem i no gat wan man blong prij wetem yu, wanem i save givhan long yu blong yu stap glad? (2) Taem yu go yu wan blong mekem sam visit, ?wanem samting we yu mas tingbaot? (3) Sipos sam dei, i no gat miting blong prij long wik, ?olsem wanem yu save leftemap tingting blong ol narafala long kongregesen oli save sapotem yu? (4) Taem yu go prij yu wan, ?from yu mas jusum wan ples we i sef mo wan taem we i stret?

**10 minit: 'Wok Blong Masta Blong Yumi, i Mas Gat Frut Blong Hem.'** Tok wetem sam kwestin mo ansa.

Singsing 107 Mo Prea

## 'Wok Blong Masta Blong Yumi, i Mas Gat Frut Blong Hem'

<sup>1</sup> !Ating ol tok ya oli leftemap tingting blong yu bigwan! From oli mekem yu tingbaot se, wok blong Jehova we yu mekem, i no blong nating nomo, be i mas gat frut blong hem. (1 Kor. 15:58) Yu traem tingbaot ol man we oli wantem tumas blong kasem haenem, mo gat plante mane. Ating ol man ya bambae oli spenem plante yia long hae skul, no maet oli wok had blong kasem plante sam-

ting. Be from we "samting we yumi no tingbaot i save kamaot long yumi enitaem nomo," i mekem se samtaem, yumi no save kasem samting we yumi stap traehad from. No maet i gat sam samting oli hapen long laef blong yumi, we i mekem se yumi save laef wetem smol samting nomo. Taem samting olsem i hapen, traehad we ol man ya oli mekem i blong nating nomo, i olsem we oli stap "ressis olbaot nomo." (Pri. 1:14; 9:11) Taswe, i impoten tumas we yumi traehad blong mekem wok blong Jehova. !From we wok ya i bambae i gat frut blong hem blong olwe!

**2 Wan Wok We i Gat Bigfala Mining:** Wok ya blong talemaot gud nius blong Kingdom blong God, hem i impoten moa i bitim ol narafala wok long wol. Taswe, yumi mas mekem wok ya, nating we ol man oli wantem lesin no nogat. Yumi wantem talem sem tok olsem Pol, we i talem se: "Mi mi talemaot naoia long fes blong God, se sipos wan long yufala i lus, be i no fol blong mi, from we mi mi no haedem wan samting long yufala, mi talem-aot finis long yufala, olgeta samting we God i wantem."—Wok 20:26, 27.

<sup>3</sup> ?Yu yu harem olsem wanem, taem wan man i lesin long gud nius blong Kingdom? !I sua se yu yu glad tumas! Wan yangfala woman i lusum anti blong hem long ded. Nao hem i stap tingting se, anti blong hem i go stap wea, ?long heven no long hel? Ale, hem i prea long God blong i givhan long hem. Mo hem i yusum nem blong God Jehovah long prea blong hem, olsem we sista blong hem i tijim hem blong mekem. Smoltaem biaen, hem i stat blong stadi long Baebol mo i go long ol Kristin miting. Laef blong hem i jenis bigwan. Hem i no moa joen wetem ol yangfala we oli stap mekem trabol olbaot long rod. Hem i lego smok, i no moa te-kem drag, mo i no moa stil. Hem i talem se: "Wan samting nomo i mekem se mi mi naf blong lego rabis laef ya blong mi, hemia from we mi mi lavem Jehovah. Mo Jehovah i sore long mi, hem i givim ja-nis long mi blong mi save kasem laef we i no save finis." Hem i no moa yusum laef blong hem blong ronem ol samting we oli blong nating nomo.

<sup>4</sup> Nating we ol man oli no wantem lesin long yumi, be oli save se ol Witnes blong Jehovah oli kam visitim olgeta. Taswe yumi mas gohed nomo. Sipos yumi mekem olsem, hemia i pruvum long olgeta se yumi fasgud long Jehovah, yumi holemstrong long hem mo yumi lavem olgeta. From samting ya, ?wok we yumi mekem, i blong nating nomo? !Nogat, i mas gat frut blong hem!

## WIK WE I STAT LONG 23 SEPTEMBA

Singsing 115 Mo Prea

### ❑ Baebol Stadi Blong Kongregesen:

fy japta 8 ¶23-27, bokis pej 102 (30 minit)

### ❑ Tiokratik Skul:

**Baebol riding:** 2 Korin 8-13 (10 minit)

**N. 1:** 2 Korin 10:1-18 (no bitim 4 minit)

**N. 2:** ?I Gat Wan Samting i Rong Long Ol Man Mo Ol Enjel We God i Mekem?—fg pej 16, kwestin 2 (5 minit)

**N. 3:** ?Wanem Tingting We Yumi Mas Gat Long Ol Smosmol Haf Blong Blad Mo Ol Rod Blong Katem Man, We Dokta i Yusum Prapa Blad Blong Yumi?—lv pej 215-218 (5 minit)

### ❑ Miting Blong Kingdom Wok:

Singsing 43

**5 minit:** “Bambae Mi Karem Buk Blong Yu, Sipos Yu Tekem Buk Blong Mi.” Tok wetem sam kwestin mo ansa. Yu askem long ol brata mo sista blong oli talem olsem wanem oli ansa long man we i talem tok olsem.

**10 minit:** ?Wanem Gudfala Wok We Yumi Mekem Las Yia? Elda we i lukaot long wok blong prij, i mekem tok ya. Yu tokbaot bakegen ol wok we yumi mekem long las yia. Yu tokbaot ol gudfala samting we ol brata mo sista oli mekem, mo yu talem ol gudfala toktok long olgeta. Yu talem wan no tu samting long saed blong wok blong prij, we evriwan long kongregesen oli save wok long hem long nekis seves yia. Mo yu talem sam rod olsem wanem blong mekem olsem.

**15 minit:** ?Yumi Lanem Wanem? Tok wetem sam kwestin mo ansa. Yu askem long narafala blong i ridim Ol Wok 16:19-40. Yu tokbaot olsem wanem ol vas ya oli save givhan long yumi long wok blong prij.

Singsing 44 Mo Prea

## “Bambae Mi Karem Buk Blong Yu, Sipos Yu Tekem Buk Blong Mi”

Hemia toktok blong sam man we yumi prij long olgeta. Yumi no stap jenisim ol buk blong yumi we tem ol narafala buk we oli tijim ol giaman ting. Tas-we, ?Olsem wanem yu save ansa long man we i talem tok ya long yu? (Rom 1:25) Yu save talem se: “Tangku tumas we yu wantem givim buk ya long mi. ?Be, buk blong yu i talem wanem long saed blong ol trabol we man i fesem? [Yu letem man i ansa. Sipos man ya i talem long yu se, yu mas ridim buk ya blong faenem ansa. Yu save talem long hem se: ‘Mi mi soemaot long yu, samting we magasin blong mifala i tokbaot.’ Biaen, yu ridim Matiu 6:9, 10.] Jisas i talem se Kingdom blong God bambae i mekem ol samting we God i wantem, oli kamtru long wol. I gat wan skul nomo, we i stap givimaot ol buk we oli tokbaot Kingdom blong God. ?Yu glad sipos mi soemaot long yu long Baebol, samting we Kingdom blong God bambae i mekem i kamtru?”

## WIK WE I STAT LONG 30 SEPTEMBA

Singsing 86 Mo Prea

### ❑ Baebol Stadi Blong Kongregesen:

fy japta 9 ¶1-10 (30 minit)

### ❑ Tiokratik Skul:

**Baebol riding:** Galesia 1-6 (10 minit)

**N. 1:** Galesia 1:18–2:10 (no bitim 4 minit)

**N. 2:** ?God i Letem Ol Man Oli Harem Nogud Blong Wanem?—fg pej 16, kwestin 3 (5 minit)

**N. 3:** ?Olsem Wanem Yumi Save Soemaot Se Yumi Tinghae Long Laef?—lv pej 79-81 haf 13-17 (5 minit)

### ❑ Miting Blong Kingdom Wok:

Singsing 108

**10 minit:** “?Yu Save Askem Hu Blong i Folem Yu?” Tok wetem sam kwestin mo ansa. Biaen, yu askem long tu brata no tu sista blong tufala i kam antap, mo soemaot olsem wanem blong statem Baebol stati long fas Sarede blong manis Oktoba.

**10 minit:** Ol Rod Blong Talemaot Gud Nius—Prij Long Ol Man Blong Narafala Lanwis. Tok wetem sam kwestin mo ansa we i stanap long *Kingdom Wok* blong Februari 2007, pej 7, haf 7 kasem pej 8 haf 4 (*Organized* pej 104, haf 2, kasem pej 105, haf 3). Yu askem long tu brata no tu sista blong tufala i kam antap, mo soemaot olsem wanem blong prij long ol man blong ol defren kantri.

**10 minit:** I Nogud Yufala i Stap Tingting Tumas. (*Mat. 6:31-33*) Tok wetem kwestin mo ansa we i stanap long *2013 Yearbook*, pej 138, haf 3, kasem pej 139, haf 3. Yu askem long olgeta we oli stap, se oli lanem wanem long stori ya.

Singsing 40 Mo Prea

## ?Yu Save Askem Hu Blong i Folem Yu?

Plante pablisa oli no save prij plante, from we oli olfala, no maet oli sik. (2 Kor. 4:16) ?Olsem wanem? ?Yu save askem long wan pablisa olsem i folem yu long stadi blong yu? Sipos wan pablisa i olfala we i no save kamaot long haos blong hem, i gud yu tekem Baebol stadi blong yu, yutufala i go stadi long haos blong hem. ?Yu yu save mekem plan blong tekem wan pablisa we i sik, i folem yu long wok blong prij, no long wan no tu visit? Plante long ol olfala pablisa oli gat plante ekspiriens long wok blong prij. From samting ya, traehad we yu mekem, blong tekem olgeta oli folem yu, i no blong nating. Bambae yu yu givhan long olgeta, be olgeta tu, bambae oli givhan bigwan long yu. (Rom 1:12) Mo antap long samting ya, from we yu traehad blong soemaot long ol brata mo sista se yu lavem olgeta, Jehova bambae i blesem yu bigwan. —Prov. 19:17; 1 Jon 3:17, 18.

## WIK WE I STAT LONG 7 OKTOBA

Singsing 42 Mo Prea

### ❑ Baebol Stadi Blong Kongregesen: fy japta 9 ¶11-20 (30 minit)

#### ❑ Tiokratik Skul:

**Baebol riding:** Efesas 1-6 (10 minit)

**N. 1:** Efesas 4:1-16 (no bitim 4 minit)

**N. 2:** ?From We God i Letem Taem i Pas, Yumi Gat Janis Blong Mekem Wanem?—fg pej 17, kwestin 4 (5 minit)

**N. 3:** ?From Wanem Yumi Mas Sakemaot Ol Tingting Blong No Laekem Nating Narafala?—lv pej 82 haf 18-19 (5 minit)

#### ❑ Miting Blong Kingdom Wok:

Singsing 59

**10 minit: Sam Tingting Blong Seremaot Magasin Long Manis Oktoba.** Tok wetem sam kwestin mo ansa. Blong wan minit, yu tokbaot from wanem sam haf long ol magasin, oli save pulum tingting blong ol man long teritori blong yufala. Biaen, yu jusum ol fas stori long *Wajtaoa*, mo yu askem long ol brata mo sissta blong oli talem sam kwestin we i save pulum tingting blong man, mo wanem vas we oli save yusum. Yu mekem sem mak wetem ol fas haf blong *Wekap!* Sipos i gat naf taem, yu save tokbaot wan narafala haf blong *Wajtaoa no Wekap!* Yu askem long tu brata no tu sista blong tufala i kam antap, mo soemaot olsem wanem blong seremaot *Wajtaoa mo Wekap!*

**10 minit: Lokol nid.**

**10 minit: Olgeta We Oli Wok Strong. (1 Tes. 5: 12, 13)** Yu askem kwestin long tu elda. ?Wanem wok we yutufala i mekem long kongregesen? ?Wanem narafala wok we yutufala i mekem long wok blong Jehova? ?Wanem i givhan long yutufala, blong yutufala i mekem gud ol wok blong yutufala, olsem ol wok long kongregesen, wok blong winim mane, mo wok ya blong lukaot gud long famle blong yutufala? ?Yutufala i mekem wanem blong putum wok blong prij long fasples? ?Ol memba blong famle blong yutufala oli givhan long yutufala olsem wanem?

Singsing 123 Mo Prea

## Advaes

- **Septemba Mo Oktoba:** *Wajtaoa mo Wekap!*
- Novemba:** *Kingdom Nius N. 38. Disemba:* ?*Wanem Samting We Baebol i Rili Tijim?* no ol traket.
- Spesel pablik tok we i joen wetem Memoriol blong yia 2014, bambae i stap long wik blong 21 Eprel. Bambae mifala i talemaot biaen, stamba tok blong spesel tok ya. Ol kongregesen we oli gat visit blong eria elda no wan asembli long wiken ya, bambae oli mekem spesel tok ya long wik we i kam biaen. Ol kongregesen oli no mas mekem spesel tok ya bifo long 21 Eprel.

## Ol Fastok

### Blong Statem Ol Baebol Stadi Long Fas Sarede Blong Manis Oktoba

“Klosap olgeta man oli stap prea, maet long semtaem no maet long ol defdefren taem. Ol man we oli bilif se i no gat God, olgeta tu oli stap prea, taem oli kasem trabol. ?Yu yu ting se God i lesin long prea blong olgeta man?” Yu letem man i ansa. Yu soem long hem, las pej blong *Wajtaoa* blong Oktoba-Disemba, mo yutufala i tokbaot tugeta, haf we i stap aninit long fas kwestin, mo yu ridim wan long ol vas we i stap long haf ya. Yu givim magasin ya long hem, mo yu mekem plan blong gobak baken, blong ansa long nekis kwestin.

### WAJTAOA Oktoba-Disemba

I TALEMAOT KINGDOM BLONG JEHOVA

“Mifala i kam blong visitim yu smoltaem nomo, from we mifala i luk se plante man oli wari, taem oli luk se fasin blong lukluk ol rabis piya i stap kam antap bigwan. Be plante man oli ting se fasin blong lukluk ol rabis piya i oraet nomo, i no save spolem ol man. ?Wanem tingting blong yu? [Yu letem man i ansa.] Jisas i talem se bambae yumi luksave se wan samting i gud, long frut blong hem. [Yu ridim Matiu 7:17.] Magasin ya i tokbaot sam samting we i save kam-aot, taem man i lukluk ol rabis piya. Hem i givim sam gudfala advaes tu, olsem wanem blong winim fasin ya blong lukluk ol rabis piya.”

### Wekap! Oktoba-Disemba

“Ol man tede, oli mekem plante samting blong oli save laef longtaem. ?Yu yu ting se save blong ol saentis bambae i mekem se wan dei, ol man oli save laef olwe long wol? [Yu letem man i ansa.] Yu traem luk nambawan promes ya. [Yu ridim 1 Korin 15:26.] ?Olsem wanem God bambae i mekem samting ya i kamtru? ?From wanem yumi stap kam olfala mo yumi ded? Long magasin ya, yu save faenem ansa we Baebol i givim long ol kwes-tin ya.”



km1309-LM NC  
13027